

gentlich verworffen werden / dieweil dieselbige dem ausgetruckten Wort Gottes zu wider / vnd neben solchem nicht bestehen können / auff das fromme Herzen für denselben gewarnet werden möchten.

Et post pauca :

Vnd wil den Theologen vnd Kirchendienern in allweg obliegen / daß sie aus GOTTES Wort / auch diejenigen / so aus einfalt vnd vnwissend irren / ihrer Seelen gefahr gebürlich erinnern / vnd dafür verwarnen / damit sich nicht ein Blinder durch den andern verleiten lasse.

Das aber Fürsten vnd Herrn heute zu tag eingebildet wird / solches verdammenfalscher irriger Lehr vnd Lehrer / rüre allein her aus fleischlichen privat affecten / vnd eigener Rachgier / oder vnzeitigen Eyser : Solches ist ein öffentlicher Vngrund / vnd böshafftige Verleumbdung / mit welcher das Straffamt frommer / vnd getrewer Prediger / Ja das Amt des heiligen Geistes schendlichen verlestert wird. Denn das vnser Klüg-

D iij

linge /